



U društvu iskrenih 1/2

Onaj ko čita biografije naših ispravnih prethodnika zapaža na kojem su stupnju iskrenosti oni bili i kako su isključivo Allaha radi izvršavali dobra djela. U nastavku ćemo navesti nekoliko primjera njihove iskrenosti, ne bi li krenuli njihovim stopama.

Sufjan b. Uejna, Allah mu se smilovao, kazao je: *"Ako rob bude iskren četrdeset dana, Allah mudrost spusti na njegovo srce, jezik mu oslobodi, a oči njegove produhovi kako bi vidjele nedostatke ovog dunjaluka te bolest i lijek za njega."*

Er-Rebia b. Husajm, Allah mu se smilovao, rekao je: *"Sve ono čime se ne želi Allahovo zadovoljstvo ništavno je."*

Imam Ahmed, Allah mu se smilovao, je, oporučujući svome sinu, kazao: *"Nanijeti da činiš dobro jer ćeš biti u dobru sve dok nijetiš da činiš dobro."*

Avn b. Abdullah, Allah mu se smilovao, rekao je: *"Ako siromahu daš nešto, pa ti kaže: 'Allah ti dao be reket', ti mu reci: 'I tebi Allah dao bereket', kako bi tvoja sadaka bila iskrena."*

Jahja b. Ehi Kesir, Allah mu se smilovao, rekao je: *"Koncenrišite se na ni jet jer je on bitniji od samog djela."*

Muhammed b. Jusuf el-Esbehani nije običavao kupovati hljeb od jednog pekara te je govorio: *'Mogu me upoznati, pa me zavoljeti i da tako budem od onih koji na osnovu svoje vjere žive.'*

Uvejs el-Kami, Allah mu se smilovao, govorio je: *"Kada se probudiš, moli Allaha da popravi tvoje srce i nijet jer ništa nije teže za tebe nego to dvoje."*

Hamza ez-Zijat prošao je pored čovjeka i zatražio vode, a zatim upitao: *"Ti si onaj što nas podučava Kur'anu?" "Da", odgovori čovjek. Hamza mu reče: "Onda ja ne želim vodu od tebe."*

Abdullah b. Idris kazao je nekom čovjeku: *"Upitaj za cijenu soli", a zatim ga je vratio i rekao: "Nemoj pitati, jer ti pišeš hadise od mene, a ja ne volim da pitam nekog ko sluša hadis od mene."*

Hamdun el-Kassar, Allah mu se smilovao, bio je upitan: *"Zašto su riječi selefa bolje od naših riječi?" Rekao je: "Zato što su oni govorili u čast vjere, izbjavljenja duša i radi zadovoljstva Allaha, a mi govorimo u čast duša, traganju za dunjalukom i radi zadovoljstva ljudi."*

Abdullah b. Muhejriz ušao je u jedan dućan želeći da kupi odjeću pa je neki čovjek vlasniku dućana kazao: *'Ovo je Ibn Muhejriz, pa gledaj da ga fino uslužiš'. Na ove riječi Ibn Muhejriz se naljuti, iziđe te reče: 'Mi kupujemo našim imetkom, a ne našom vjerom.'*

Zubejd, Allah mu se smilovao, kazao je: *"Volim da u svemu imam nijet pa čak i u jelu i piću."*

Iz knjige: **Poslanikov edeb**